



Bosna i Hercegovina
Federacija Bosne i Hercegovine
Bosansko - podrinjski kanton Goražde
MINISTARSTVO ZA SOCIJALNU POLITIKU,
ZDRAVSTVO, RASELJENA LICA I IZBJEGLICE

Bosnia and Herzegovina
Federation of Bosnia and Herzegovina
Bosnian-podrinje canton Gorazde
MINISTRY FOR SOCIAL AFFAIRS, HEALTH,
DISPLACED PERSONS AND REFUGEES

Босна и Херцеговина
Федерација Босне и Херцеговине
Босанско - подрињски кантон Горажде
МИНИСТАРСТВО ЗА СОЦИЈАЛНУ ПОЛИТИКУ,
ЗДРАВСТВО, РАСЕЉЕНА ЛИЦА И ИЗБЈЕГЛИЦЕ

Broj: 08-11-300-27/23
Goražde, 12.12.2023. godine

Na osnovu člana 56. Zakona o organizaciji organa uprave u Federaciji BiH („Službene novine Federacije Bosne i Hercegovine“, broj 35/05), člana 51. Zakona o izvršenju Budžeta Bosansko-podrinjskog kantona Goražde za 2023. godinu („Službene novine Bosansko-podrinjskog kantona Goražde“, broj: 1/23), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614300 – Tekući transferi neprofitnim organizacijama za 2023. godinu, („Službene novine Bosansko-podrinjskog kantona Goražde“ broj: 4/23 i 8/23), Ministar za socijalnu politiku, zdravstvo, raseljena lica i izbjeglice Bosansko-podrinjskog kantona Goražde r a s p i s u j e:

JAVNI POZIV

za finansiranje/sufinansiranje rada i programskih aktivnosti Crvenog križa Bosansko-podrinjskog kantona Goražde, po Programu utroška sredstava Ministarstva za socijalnu politiku, zdravstvo, raseljena lica i izbjeglice BPK Goražde sa ekonomskog koda 614300 – Tekući transferi neprofitnim organizacijama za 2023. godinu

PREDMET JAVNOG POZIVA

Predmet javnog poziva je dodjela finansijskih sredstava Crvenom križu Bosansko-podrinjskog kantona Goražde iz Programa utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614300 – Tekući transferi neprofitnim organizacijama za 2023. godinu a po osnovu utvrđenog posebnog cilja Programa - Pružanje podrške u radu Crvenog križa Bosansko-podrinjskog kantona Goražde. Posebnim ciljom definirano je da će se u skladu sa Zakonom o Crvenom križu Federacije BiH pružiti finansijska podrška u radu ove organizacije od posebnog interesa za Federaciju BiH, za programske i operativne aktivnosti koje Crveni križ Bosansko-podrinjskog kantona Goražde provodi na prostoru kantona.

PRAVO UČEŠĆA

Na osnovu ovog javnog poziva pravo učešća, odnosno podnošenja prijave ima Crveni križ Bosansko-podrinjskog kantona Goražde.

KRITERIJI

Kriteriji koji će se koristiti za raspodjelu sredstava vezani su za planirane rezultate, efekte i utjecaj projektnih aktivnosti na opće i posebne ciljeve Programa utroška sredstava.

Opći kriteriji

- a) Registracija udruženja/organizacije (Rješenje o registraciji);
- b) Usvojen Program rada za 2023. godinu;

- c) Usvojen finansijski plan za 2023. godinu;
- d) Izvještaj o urednom finansijskom poslovanju (Bilans stanja, bilans uspjeha i narativni izvještaj za 2022. godinu);
- e) Organiziranost i broj članova udruženja;

Posebni kriteriji

- a) Programi/projekti koji mogu značajnije doprinijeti unapređenju sistema socijalne i zdravstvene zaštite;
- b) Programi/projekti i aktivnosti koji značajno doprinose poboljšanju položaja najranjivijih socijalnih kategorija stanovništva;
- c) Programi/projekti i aktivnosti promocije javnog zdravlja, edukacije i zdravstvenog prosvjeđivanja u cilju očuvanja i unapređenja vlastitog zdravlja i zdravlja drugih osoba;
- d) Kvalitet ponuđenog programa/projekta, te ekonomska i druga opravdanost programa/projekta.

Dokumentacija koja se dostavlja:

- a) Zahtjev/aplikacija za finansiranje/sufinansiranje programa/projekta koji obavezno sadrži (naziv programa/projekta, opis problema, razlog zbog kojeg aplikant traži odobrenje novčanih sredstava, pregled aktivnosti koji se planiraju realizirati, iznos finansijskih sredstava koja su neophodna za realizaciju aktivnosti uključujući ukupan iznos sredstava, traženi iznos sredstava te iznos sredstava koji bi se obezbjedio iz drugih izvora uključujući i vlastita sredstva);
- b) Rješenje o registraciji udruženja/organizacije;
- c) Uvjerenje o poreskoj registraciji – Identifikacioni broj ID;
- d) Uvjerenje o izmirenim poreskim obavezama, a ukoliko aplikant nema neizmirenih obaveza dostavlja ovjerenu izjavu od nadležnog organa da nema neizmirenih obaveza;
- e) Uvjerenje o izmirenim porezima i doprinosima za uposlenike (ukoliko podnosilac prijave ima uposlenika) a ukoliko podnosilac prijave nema uposlenih može dostaviti ovjerenu izjavu od nadležnog organa da nema uposlenih, kojom to potvrđuju;
- f) Program rada i finansijski plan za 2023. godinu;
- g) Izvještaj o urednom finansijskom poslovanju (Bilans stanja, bilans uspjeha i narativni izvještaj za 2022. godinu)

DODJELA SREDSTAVA:

Na osnovu prijedloga podnosioca zahtjeva/aplikacije, kvaliteta i opravdanosti ponuđenog programa/projekta ili aktivnosti, procjene realnih potreba, od strane Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde a u skladu sa raspoloživim finansijskim mogućnostima budžeta, utvrđuje se visina sredstava za finansiranje/sufinansiranje. Konačnu odluku o dodjeli tih sredstava donosi Ministar za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

PODNOŠENJE PRIJAVE I NAČIN OBJAVE JAVNOG POZIVA

Prijava po ovom Javnom pozivu podnosi se u pisanoj formi u zatvorenoj koverti na Protokol Bosansko-podrinjskog kantona Goražde ili putem pošte na adresu:

Ministarstvo za socijalnu politiku, zdravstvo, raseljena lica i izbjeglice

Bosansko-podrinjskog kantona Goražde, ulica Višegradska 2a

sa naznakom "Prijava na javni poziv za finansiranje/sufinansiranje rada i programskih aktivnosti Crvenog križa Bosansko-podrinjskog kantona Goražde, po Programu utroška sredstava Ministarstva za socijalnu politiku, zdravstvo, raseljena lica i izbjeglice BPK Goražde sa

ekonomskog koda 614300 – Tekući transferi neprofitnim organizacijama za 2023. Godinu – ne otvaraj“

Rok za podnošenje prijave je 5 dana od dana objavljivanja Javnog poziva na zvaničnoj web stranici Vlade BPK Goražde (www.bpkg.gov.ba) i Oglasnoj ploči Bosansko-podrinjskog kantona Goražde.

Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde zadržava pravo poništenja ovog Javnog poziva, bez obaveza pisanog ili usmenog obrazloženja, kao i obaveza snošenja troškova za podnešenje zahtjeva po ovom Javnom pozivu.

Dostavljeno:

1. Web stranica Vlade BPK-a Goražde,
2. Oglasna ploča BPK-a Goražde
3. a/a

